



Bela sodesfaziun por la squadra dla liösa da La Val, che arjunj trëi podiums pro la pröma de Südtirolcup y atri bugn plazamënc.

Por la sezion lüsa da La Val à metü man le nü ann cun döes gares de lüsa sportiva, ai 3 de jenà la pröma dla Raika Jugendrennen tignida a Funes y püc dis dô ai 06 de jenà s'á i atlec metü sön trù cuntra Lijun por la pröma gara de Südtirolcup.

Le Raika Jugendcup é na competiziun partida sö te cinch gares olache al töl pert mituns dai 6 ai 14 agn che vëgn partís sö de deplö categories. Al vëgn garejé sides cun lüsa alta y sides cun lüsa basa. I atlec plö jogn da La Val é gnus acompagnà da Diego y Ivan Tschaffert a Funes olache ai à conquisé de bugn plazamënc tles singles categories: Philipp Brunner à arjunt le 3. Post, Lukas Peccei é ruvé al 5. post y i dui fredesc Daniele y Lorenzo Serafini à mostré sö le 11ejim y 12ejim tëmp. A gauja de s'avëi fat me é le jonn atlet Campej Marco nia ruvé al travert, a vël les miüs aodanzas che al pois tosc varì y por podëi sunté indô sön i liöstri.

Nianca le tēmp da trà le flé che la squadra dla lüsa se sposta püc dis dô ia n Lijun sön la pista “Petschied” por la pröma dl Südtirolcup. N gran l’âlt al comité d’organisaziun por le gran laur a arjigné ca na pista de condiziuns otimales por garejé. Chësta gara adüm ala secunda de Südtirolcup y ala gara di campionac taliagn é varëta por i campionac dl monn che gnarà tignis amez furà a Oberperfuss tl’Austria. I atlec ladins à indo desmustré de ester stersc mostran sō ince plazamënc sön podest: Manuela Rubatscher pó indo pié dô la medaia d’or te sōa categoria dan les dôes athletes da Longiarü Greta y Luisa. Le 2. post tla categoria Master A é jü a Kurt Knolleisen y le 3. post a Shamira Brunner tla categoria dles ëres senior, che pó ince mostré sō le terzo miú tēmp pro les ëres. Tla categoria aspiranc röia Nicolas al 17. post y Alex Ploner mostra sō n bun setim post, le medemo plazamënt fej Florian Rubatscher pro i seniors. Tla categoria master B arjunj ciamó Carlo le 6. post.

Tla gara a squadre joniles röia La Val al 6.post y pro la gara generala él garaté ciamó en quinto plazamënt. Le miù tēmp dl dé i va al jogn Kaser Roman y a súa só Martina dla squadra da Lijun. I atlec se conforta bele ala secunda gara por la Copa de Südtirol, che gnarà organisada dal’Uniun dl sport seziun lüsa da La Val ai 17 de jenà sön la pista “Do Juvel” a Longiarü.


Por la nöia sajun s’à la seziun lüsa da La Val arjigné na nöia tuta de raprezentanza, chilò val en ringraziamënt particular ala sozieté M2 y ala Raiffeisen por le sostëgn finanzia, giulan!

I plazamënc dla gara Raika Jugencup a Funes ciafen chilò: [risultati](#)

I plazamënc dla pröma gara de Südtirolcup ia en Lijun ciafen chilò: [risultati Südtirolcup](#)

Por deplö informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>





Por altres foto: [Dropbox](#)